


NGĀ MARAE O NGĀTI RANGINUI



I tīkina ko ngā tāhū o *Te Takanga o Te Wā* (2021) hei whare kōrero, hei whare wānanga mā ngā ākonga kia taea ai e rātou te āta titiro, te āta rangahau i ngā kōrero ātaahua kua tāngia e Ngāti Ranginui mō ō rātou marae. Koinei tētahi huarahi kotahi e ruku ai ngā ākonga ki ngā kōrero rapu māramatanga, rapu mātauranga ai mō āpōpō.

Kei te whakaahua kei runga nei tētahi tauira e aronui ana ki te ākonga, ki te tangata me tōna whakapapa, tūrangawaewae, mana motuhake, kaitiakitanga me tōna whanaungatanga i roto i ngā kōrero pūrākau o te iwi.

Ngā Tāhū o Te Takanga o Te Wā

Ko ngā tāhū e rima ko te:

- Whakapapa

NGĀ MARAE O NGĀTI RANGINUI

- Tūrangawaewae
- Mana Motuhake
- Kaitiakitanga; me te
- Whanaungatanga

Toro atu ki tēnei pae tukutuku o Te Takanga o Te Wā mō ētahi kōrero, ētahi puka āwhina, ētahi ngohe anō mō tēnei kaupapa <https://maorihistory.tki.org.nz/mi/rauemi/te-takanga-o-te-wa-maori/>

He aha te tikanga o ēnei tāhū ki ahau

He tauira noa tēnei hei ārahi i te ākonga ki te āta whakaaro me te āta whakatakoto i ōna whakaaro mō ia tāhū i mua i te pānuitanga o ngā kōrero mō Ngā Marae o Ngāti Ranginui.

	Whakapapa	Tūrangawaewae	Mana Motuhake	Kaitiakitanga	Whanaungatanga
He aha ēnei ki ahau	<i>Nā te whakapapa ahau i mōhio ai ko wai mā ōku tīpuna, nō hea rātou, ko wai ahau, ā, nō hea ahau.</i>	<i>E mohio ana ahau ki te whenua i tipu ai ahau, ki ngā maunga, ngā wai, ngā wāhi me ngā kōrero a ōku mātua, ōku kaumātua, ōku tīpuna anō hoki.</i>	<i>Kia tū pakari ahau i runga i tōku ake mana. Kia kaua ahau e tāmia, e pēhia e tētahi atu. Kia motuhake tōku mana hei oranga mōku ake.</i>	<i>He kaitiaki whenua, reo, kōrero, tikanga, kawa ahau. Me āta tiaki ahau i ēnei katoa kei ngaro mō ngā uri whakaheke.</i>	<i>Haere ngātahi te whanaungatanga me te whakapapa. Ka tūhono te tangata i te whakapapa me te whanaungatanga.</i>

NGĀ MARAE O NGĀTI RANGINUI

He mahi whakawhanake

- Uia ngā hoa kura, te whānau, ngā marae, ngā kaumātua, te hapū/iwi mō ō rātou ake whakaaro mō ngā tāhū e rima. Tuhia ki tētahi ripanga.
- Arohaehaetia ngā kōrero i kohia.
 - He aha ngā kōrero ōrite?
 - He aha ngā kōrero motuhake?
 - Māu, mā tō whānau e whakarite, e whakatau he aha ēnei tāhū ki a koe, ki a koutou anō.

Toro atu ki tēnei pae tukutuku o Te Takanga o Te Wā mō ētahi kōrero, ētahi puka āwhina, ētahi ngohe anō mō tēnei kaupapa <https://maorihistory.tki.org.nz/mi/rauemi/te-takanga-o-te-wa-maori/>

NGĀ MARAE O NGĀTI RANGINUI

Rangahaua kia Mātau

He tauira, he mahere tēnei hei kohi i ngā kōrero mō ia marae i raro i ngā tāhū o Te Takanga o Te Wā. Māu rānei tētahi e hanga e pai ana ki a koe, e hāngai ana ki tāu e whakaaro nā.

Marae	
-------	--

Tāhū (Tohua ngā tāhū ka aronui tuatahitia (↓ ↓), tuaruatia (↓) i roto i ō mahi rangahau mō tēnei pūrākau mō tēnei marae)				
Whakapapa	Tūrangawaewae	Mana Motuhake	Kaitiakitanga	Whanaungatanga

Mā te:	Oū ake whakaaro, āu ake kōrero
Kōrero	(Tuhia ngā huarahi rangahau nāu i whai kia nui ake ngā kōrero mō tēnei pūrākau, mō tēnei marae)
Mōhio	(Tuhia ngā mōhiotanga i a koe i mua, i akohia e koe rānei)
Mārama	(Tuhia ngā māramatanga i puta i āu ake mahi rangahau, i āu ake mahi ako mō tēnei pūrākau, mō tēnei marae)
Mātau	(Tuhia ngā mātauranga i puta i āu ake mahi rangahau, i āu ake mahi ako mō tēnei pūrākau, mō tēnei marae)
He kōrero, he pātai anō āu mō tēnei marae	

NGĀ MARAE O NGĀTI RANGINUI

He Ngohe Hei Taurira

	Ngā Mahi	Ngā Hua Ka Puta
<p>Te Whai Mātauranga</p> <p><i>He mahi e tohu ana i ngā mōhiotanga o te ākongā i mua, i waenganui, hei te wā ka oti ngā mahi.</i></p>	<ul style="list-style-type: none"> • Tuhia ō mōhiotanga mō tēnei pūrākau, mō tēnei marae i mua i te pānuitanga, i a koe e rangahau ana, hei te wā anō ka oti ngā mahi. • Whakamahia te Taurira A kei raro nei hei āwhina i a koe. 	<ul style="list-style-type: none"> • Ka mōhio te ākongā ki te whanaketanga o ōna mōhiotanga ki tēnei kaupapa.
<p>He Haerenga Marae</p> <p><i>He mahi whakariterite mā ngā ākongā kia wātea rātou ki te kōrero tahi me ngā tāngata o ia marae.</i></p>	<ul style="list-style-type: none"> • Whakaritea rānei kia haere atu ngā ākongā ki ngā marae, kia tae mai rānei ngā tāngata o ia marae. • Mā ngā ākongā tonu te/ngā haerenga e whakarite (Tono, Waka, Mātua, Pōhiri/Whakatau, Utu, Kai me ērā atu mea). Wānangahia ēnei take kia rite ai koutou. • Tirohia te ngohe 'Rukuhia te puna kōrero' hei āwhina ki te āta whakarite pātai mā ngā kaumātua, tāngata rānei o ia marae. 	<ul style="list-style-type: none"> • Kia rongo te ākongā i ngā kōrero mai i ngā tāngata ake o ia marae. • Kia tae atu ki ngā marae katoa, kia tae mai rānei ngā tāngata o ngā marae kia rongo i ngā kōrero o ia marae. • Hopū kōrero/kiriata • Whakaahuatia ngā tino wāhi/taonga. • Ka ako i ngā pukenga: <ul style="list-style-type: none"> ○ Whakarite haerenga ○ Tikanga humaru ○ Tikanga hopu kōrero (reo/kiriata).
<p>Rukuhia te puna kōrero</p> <p><i>He mahi whakariterite mā ngā ākongā kia rite ai rātou ki te tuku pātai ki ngā tāngata</i></p>	<ul style="list-style-type: none"> • Tuhia ō (koutou) mōhiotanga mō te marae me ngā pūrākau. He aha pea ngā kōrero e ngaro ana, kāore rānei he kōrero, he whakautu. 	<ul style="list-style-type: none"> • Ka mōhio te ākongā ki te whanaketanga o ōna mōhiotanga ki tēnei kaupapa. • Ka ako:

NGĀ MARAE O NGĀTI RANGINUI

<p><i>o ia marae.</i></p>	<ul style="list-style-type: none"> ● Tuhia ngā kōrero e ngaro ana, kāore rānei he kōrero, he whakautu hei pātai. ● Whakaritea ngā pātai. ● Tukuna he kape ki ngā kaumātua/tāngata hei pānui i mua i te rā i whakarite kia rite rātou me ō rātou kōrero/whakautu. ● Pātaihia rātou mēhemea he pai, he tika rānei te hopu i ngā kōrero (reo/kiriata). He aha ngā tikanga hopu tangata o tō kura hei whai? 	<ul style="list-style-type: none"> ○ ki te āta whakarite pātai tika ○ i ngā tikanga whakapā tangata ○ i ngā tikanga haumaru ○ i ngā tikanga hopu kōrero (reo/kiriata).
<p>Rārangi Wā</p> <p><i>He mahi whakatarārangi i ngā mahi rangahau</i></p>	<ul style="list-style-type: none"> ● Hangaia he rārangi wā mō ia marae. Mā ngā uri o aua marae tonu e hanga. Mā rātou anō ngā mahi rangahau e rapu. ● Tohua te wā, ngā wāhi, ngā tāngata me ngā mahi. ● Hangaia he kōrero, he kiriata rānei e whakaatu ana i te rārangi wā me ngā kōrero mahuki. ● Whakaaturia ki ngā ākonga, ngā mātua me ngā marae. ● Hangaia he pae, he puna rauemi. 	<ul style="list-style-type: none"> ● Ka ako ki te: <ul style="list-style-type: none"> ○ Rangahau ○ Hanga rārangi wā ○ Hanga rauemi ○ Whakakōrero i ngā mahi rangahau me ngā mōhiotanga.
<p>Puka uiui</p> <p><i>Hangaia he puka uiui ā-pepa, ā-ipurangi hei kohi whakaaro mai i ngā hoa, ngā whānau me te hapori.</i></p>	<ul style="list-style-type: none"> ● Whakaritea ngā pātai. ● Hangaia he puka uiui ā-pepa. ● Hangaia rānei he puka uiui ki Google Forms, Microsoft Forms, ki Jotforms, ki tētahi pūnaha e pai ana ki a koe. ● Toro atu ki Youtube mō ētahi kiriata whakangungu. 	<ul style="list-style-type: none"> ● Ka ako ki te whakarite puka uiui. ● Ka whakamahia ngā hangarau matihiko kia whānui te toro atu mō ētahi whakaaro, kōrero o ētahi atu.

NGĀ MARAE O NGĀTI RANGINUI

Taura A - He aha ō whakaaro, ō kōrero mō ēnei tāhū

	Whakapapa	Tūrangawaewae	Mana Motuhake	Kaitiakitanga	Whanaungatanga
Mōu ake					
Whānau					
Marae					

NGĀ MARAE O NGĀTI RANGINUI

Tauira E - Te Ara Mātauranga

1. Whakaurua ō mōhiotanga mō tēnei pūrākau mō tēnei marae i mua i te pānuitanga. Tuhia te rā.
2. Whakaurua ō mōhiotanga ina ka oti katoa ngā mahi rangahau. Tuhia te rā.
3. Whakaarohia ēnei pātai:
 - a. He rite rānei ō mōhiotanga mai i te wā i mua i te pānuitanga tae noa ki te wā i oti ngā mahi rangahau?
 - b. He aha ngā akoranga hou?
4. Hei whakaaro anō māu. Tērā pea me whakauru i tētahi wā ki waenganui e tohu ana i ō mōhiotanga i a koe e rangahau tonutia ana.

Marae:	
<i>I mua i te pānuitanga (__ / __ / __)</i>	<i>Te wā i oti (__ / __ / __)</i>
•	•

Marae:		
<i>I mua i te pānuitanga (__ / __ / __)</i>	<i>I ahau e rangahau tonu ana (__ / __ / __)</i>	<i>Te wā i oti (__ / __ / __)</i>
•	•	•